

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: - Ministarstvu saobraćaja Kantona Sarajevo

PREDMET: ZASTUPNIČKO PITANJE

Poštovani,

Upućujem zastupničko pitanje Ministarstvu saobraćaja Kantona Sarajevo:

Koje je konkretne mjere Ministarstvo poduzelo ili planira poduzeti u vezi sa problematikom pružanja taxi usluga na prostoru Međunarodnog aerodroma Sarajevo?

Naime, u javnosti su sve učestalije primjedbe da vozači taxi vozila, koja se nalaze na službenom taxi stajalištu Aerodroma, odbijaju pružiti uslugu prevoza državljanima Bosne i Hercegovine, dok u isto vrijeme selektivno prihvataju strane turiste, naročito one zemalja arapskog svijeta. Takvo ponašanje ukazuje na ozbiljne oblike diskriminacije prema domaćim građanima i otvara sumnje u nepravilnosti u tarifiranju i naplati usluga.

Dodatno, postoje navodi da taxi prevoznici ne samo što selektivno pružaju usluge, već da građanima BiH izriču zahtjeve za višestruko većim cijenama vožnje u odnosu na zvanični cjenovnik, čime se dodatno produbljuje osjećaj diskriminacije i pravne nesigurnosti korisnika usluga.

S tim u vezi tražim da se dostavi pismeni odgovor, uključujući:

- informacije o eventualnim inspekcijskim nadzorima i rezultatima istih,
- planiranim mjerama kontrole u vezi sa selektivnim pružanjem usluga,
- te stav Ministarstva o navedenim pojavama,
- kao i pojašnjenje na koji način Ministarstvo vrši nadzor nad primjenom i poštivanjem zvaničnog cjenovnika taxi prevoza na prostoru Međunarodnog aerodroma Sarajevo.

Molim pismeni odgovor.

Sarajevo, 27.6.2025. godine

Zastupnik u Skupštini Kantona Sarajevo

Faruk Selmanović